

Broj: 11-11/5-1468-7/25
Sarajevo, 05.08.2025. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14, 59/22 i 50/24), a na prijedlog stalne Komisija za provođenje postupaka javnih nabavki roba i usluga za 2025. godinu za potrebe Federalnog ministarstva poljoprivrede, vodoprivrede i šumarstva, imenovane Rješenjem, broj: 11-04/3-898/25 od 25.03.2025. godine, federalni ministar poljoprivrede, vodoprivrede i šumarstva **donosi**

ODLUKU

o izboru najpovoljnijeg ponuđača za javnu nabavku usluga – usluge stalnog pristupa internetu – Lokacija Butmir

I

U cilju odabira najpovoljnijeg ponuđača, nakon provedenog postupka javne nabavke usluga – usluge stalnog pristupa internetu – Lokacija Butmir za potrebe Federalnog ministarstva poljoprivrede, vodoprivrede i šumarstva, evidencijski broj nabavke: 11-11/5-1468-1/25, broj Obavještenja o nabavci sa portala javnih nabavki: 855-1-2-9-3-8/25 od 25.06.2025. godine, Sažetak Obavijesti o nabavci objavljen u „Službenom glasniku BiH – Oglasnik javne nabavke“, broj: 38/25, kao prihvatljiva ponuda ocijenjena je ponuda ponuđača:

- **KAMER COMMERCE d.o.o. Sarajevo, s ukupnom cijenom ponude za 24 mjeseca, u iznosu 24.000,00 KM bez PDV-a.**

II

Ponuda ponuđača iz tačke I ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama.

III

Odluka stupa na snagu danom donošenja i objavit će se na web stranici Federalnog ministarstva poljoprivrede, vodoprivrede i šumarstva, u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka, broj: 11-11/5-1468/25 od 03.06.2025. godine. Javna nabavka provedena je putem otvorenog postupka. Procijenjena vrijednost javne nabavke za 24 mjeseca iznosila je 24.000,00 KM bez PDV-a i predviđena je Planom javnih nabavki za 2025. godinu Ministarstva, dio Usluge, pod rednim brojem 14. – Usluge stalnog pristupa internetu – Lokacija Butmir.

Obavijest o nabavci, broj: 855-1-2-9-3-8/25 poslana je na objavu 25.06.2025. godine, te je zajedno sa Tenderskom dokumentacijom, istog dana objavljena na portalu javnih nabavki. Sažetak Obavijesti o nabavci objavljen je u „Službenom glasniku BiH – Oglasnik javne nabavke“, broj: 38/25. Tendersku dokumentaciju preuzelo je 12 privrednih subjekata, a 1 ponuđač je dostavio ponudu u predmetnom postupku nabavke. Ponuda je dostavljena blagovremeno od strane ponuđača KAMER COMMERCE d.o.o. Sarajevo.

Stalna Komisija za provođenje postupaka javnih nabavki roba i usluga za 2025. godinu za potrebe Federalnog ministarstva poljoprivrede, vodoprivrede i šumarstva, imenovana Rješenjem, broj: 11-04/3-898/25 od 25.03.2025. godine, izvršila je pregled i evaluaciju pristigle ponude, te konstatovala da je ponuda ponuđača KAMER COMMERCE d.o.o. Sarajevo prihvatljiva.

Za ovaj postupak, Ugovorni organ je predvidio provođenje e-aukcije, ali s obzirom da je samo jedna ponuda pristigla, postupak se okončava u skladu sa članom 69. Zakona.

Nakon izvršenog pregleda i evaluacije pristigle ponude, Komisija je dostavila federalnom ministru poljoprivrede, vodoprivrede i šumarstva Zapisnik o pregledu i ocjeni ponuda, broj: 11-11/5-1468-6/25 od 04.08.2025. godine zajedno sa Preporukom o izboru najpovoljnijeg ponuđača KAMER COMMERCE d.o.o. Sarajevo, s registriranim sjedištem u Sarajevu, ID broj: 4200086440001.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno postavljenim uvjetima iz Tenderske dokumentacije.

U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač dostavio je prihvatljivu ponudu u skladu sa članom 2. stav (1) tačka I) podtačka 1) Zakona o javnim nabavkama.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva poljoprivrede, vodoprivrede i šumarstva, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- KAMER COMMERCE d.o.o. Sarajevo
- Komisija za javne nabavke
- Sektor za finansije i računovodstvo
- a/a



MINISTAR
Kerem Timjić